



philomena wong
30-4-1986
derecho di autor
reservá

1+1
=?

(un
cu
un
ta?)

1+1=2!
bo ta sigur?
ng, ng
compañeronan
hopi bes
1+1=1

di con?
troncon!

chans'un banda
fo'i punt'i bist'i
hopi shon
1+1=1!

di con?
pa'so
p'e shon
t'e ún
cu ta representa
e shon
t'esun
cu ta bal
un dinerall!

y e otro ún
cu ta representa
e obrero
pa hopi shon
ta esun
cu ta net net
ningun!

asina ta
pa e mal shon
1+1=1

e obrero
pa e mal shon
ta e peon
pa ampliashon
di e shon
su ambishon:
esta
placa y poder!

ta p'esey
pa e mal shon
1+1
ta keda ún
tanjem
cu e obrero
no cambia
e rumbo!

e mal shon
doño
di explotashon!
maestro
den expanshon!
sabi
den guera
di agitashon
na momento
di confrontashon!

pa e mal shon
1+1=1
pa'so
e obrero
pa e mal shon
ta ningun!

ora di confrontashon
e mal shon
ta hasi uzo
di manipulashon
pa kibra
deliberashon!

y asina
e mal shon
ta keda ún
y e obrero
ningun
y
1+1
keto bay
ta keda ún.

ban mira
rumannan!
na aruba
tin mal shon?
de paso
laga nos
tira un bistaso!
den gobierno
tin mal shon?
o tin capatas
cu ta pío cu e shon?
den comercio
tin mal shon?
o tin capatas
cu ta pío cu e shon?
den sector hotelero
tin mal shon?
o tin capatas
cu ta pío cu e shon?
den construcshon
tin mal shon?
o tin capatas
cu ta pío cu e shon?
na bo trabou
tin mal shon?
o tin capatas
cu ta pío cu e shon?

obrero,
ki ami,
ki abo,
ki nós tá?
ningun?
o ún?

ki nos kier ta?
ningun?
o ún?

si mi wak ront
mi ta mira
un y un y un
y un y un!
y na cas
sigur tin hopi un!
y na beach
sigur tin cantidad di un!
y na drag
tj'un multitud di un.

obrero
b'a comprende awo
ta dicon
pa hopi shon
nos un
ta ningun?

repartí
nos ta keda
desuní!
igual
na ningun!



obrero
realisa
cu nos cada un
esun cu t'aki
esun cu t'aya,
na cas,
na drag,
na campo
y na playa,
mester respalda
e causa obreril
p'e shon
bin respeta nos
como ún!

ta na mi,
ta na bo,
ta na tur
pa cambia
e
1+1=1
den
1+1=2!
dos pa dialoga!
dòs pa delibera!
dos pa ta skucha!
dos pa ta respeta!!!

e poesía aki
ta skirbi
spesialmente pa
dia di obrero,
1 di mei 1986.

aña 17

no. 4 MAY 28 1986



SKOL & KOMUNIDAT

"Alma di Desolato,"
un prenda
Antiano,
pag. 3


Gobernashon
nobo:
hopi trankilidad,
poko kambio,
pag. 5

Vraag en antwoord:
Alweer de
pensioen, pag. 8

Ervaringen van een
schooldekaan, pag. 14

EDUCACION PARA EL
TRABAJO:
een integraal onderwijs-
ontwikkelingsproject
in Merida, pag. 10

pag. 10



$1 + 1 = ?$

(un cu un ta?), pag. 13

GRAWATA, pag. 13

ARUBA NO TA LIBER
DI DROGA, pag. 18